



Inatsisartunut ilaasortaq  
Justus Hansen, Demokraatit  
/-Maani

## § 37 naapertorlugu ARCSAR pillugu apequtip nr. 141-p akineqarnera

Allakkap ullua: 25-03-2019  
Suliap nr. 2019 - 7116

Asasara Justus Hansen

Ulloq 11. Marts 2019 Arctic Security and Emergency Preparedness Network (ARCSAR) pillugu Naalakkersuisunut apeqquteqarputit.

Apeqqutit uannut akineqartussanngortinneqarsimapput.

Postboks 1614  
3900 Nuuk  
Oqarasuaat (+299) 34 50 00  
Allakkasuaat (+299) 34 54 10  
E-mail: nap@nanoq.gl  
www.naalakkersuisut.gl

### 1. Suna pissutaava Kalaallit Nunaata ARCSAR-imut peqataatitaqannginneranut?

Apeqqut taanna akiniarlugu Pinngortitamut, Avatangiisinut Ilisimatusarnermullu Naalakkersuisoqarfimmut ilanngussassanik piniartoqarsimavoq.

”Upalungaarsimanermut tunngassuteqartut Naalakkersuisut pingaartilluinnarpaat. Pinngortitamut, Avatangiisinut Ilisimatusarnermullu Naalakkersuisoqarfik ARCSAR-imi peqataangilaq, tassunga pissutaavoq sammisat ARCSAR-imi suliarineqartartut Search and Rescue-mut suli nunatsinnut oqartussaaffimmut angerlaanneqarsimangitsumut tunngassuteqarnerunerat taamalu Upalungaarsimanermut oqartussaaffik ilaanngimmat. Issittumi Sakkutooqarfik immikkoortumut akisussaalluni oqartussaasoq Naalakkersuisoqarfimmit suleqatigilluarneqarpoq aamma apeqqutip tulluuttup akineqarnissaanut Issittumi Sakkutooqarfiup tapiissutaa innersuussutigineqarpoq.”

Taamatutaaq apeqqummut akissuteqarniarluni Issittumi sakkutooqarfiup akissummut ilassutissaa manna pissarsiarineqarsimavoq:

”Issittumi Sakkutooqarfik ARCSAR-imi suliarineqartartunut suleqatitit peqataasangilaq. Issittumi Siunnersuisoqatigiit suleqatigiissitaanni, tassaasuni Emergency Prevention, Preparedness and Response (EPPR) aamma Arctic Coast Guard Forum (ACGF) issittumi naalagaaffinnit tamanit peqataaffigineqartuni, SAR-imut tunngatillugu Issittumi Sakkutooqarfiup nunanik tamalaanik suleqateqarnini pingaarnertut ukkataraa.

Taamaattoq Illersornissaqarfik Kunngaqarfillu EPPR suliniummut suleqatitit peqataasoq aqqutigalugu ARCSAR-im ut toqqaannangitsumik akuutinneqartarput. Tamatuma sania-tigut Issittumi Sakkutooqarfik SAR-mut tunngatillugu oqallifinni allani amerlasuuni peqataasarpog, taakkununnga ilanngullugu Islandimi AECO SAR pillugu isumasioqatigi-innermut ARCSAR-imi suliarineqartartunut aamma ilaasumut peqataasimalluni.”

Apeqqummut akissuteqaat pillugu Pinngortitamut, Avatangiisinut Ilisimatusarnermullu Naalakkersuisup taavalu Issittumi Sakkutooqarfiup akissuteqaatai innersuussutigissavakka.

Apeqqummut aallamik oqaaseqaatissaqanngilanga.

**2. Naalakkersuisut pilersaarutiginerlugu ASCSAR-imut saaffiginnissallutik si-unertaralugu suleqatigiinnermut peqataalernissartik?**

Apeqqummut siulianiittumut akissut innersuussutigineqarpoq 1.

Inussiarnersumik inuulluaqqusillunga  
Med venlig hilsen

  
Ane Lone Bagger